

# POLITIKA ZAŠTITE DJETETA

## Uvod

Politika zaštite djece udruženja «NAŠA DJECA» se odnosi na zajedničke vrijednosti, principe i uvjerenja, te praktična pravila ponašanja i korake koji će se poduzeti prilikom ispunjavanja naših obaveza u pogledu zaštite djece.

## VRIJEDNOSTI I PRINCIPI U RADU SA DJECOM

- Da se njihovo zdravlje, sigurnost i dobrobit, kao i ono što je od najboljeg interesa za njih, stavlja na prvo mjesto;
- Da se njihova dobrobit i razvoj unaprijede i čuvaju, kako bi dosegli svoj puni kapacitet;
- Da se cijene, poštuju i razumiju u okviru njihove vlastite kulture, religije i etničke pripadnosti, i da se njihove potrebe utvrde i zadovolje kada je god to moguće;
- Da se saslušaju i da se njihovi pogledi pažljivo razmotre, da se ohrabre i da im se pomogne da učestvuju u donošenju odluka koje ih se tiču.
- Zloupotreba djece ni u kakvim okolnostima nije prihvatljiva
- Mi smo obavezni zaštititi djecu sa kojom / za koju radimo.
- Naši partneri su obavezni zadovoljiti minimalne standarde zaštite djece u svojim programima.

Da bi se ovo ostvarilo, osoblje i saradnici udruženja «NAŠA DJECA» u kontaktu sa djecom treba:

- da se u svakoj prilici odnose prema djeci s poštovanjem i da ih priznaju kao pojedince s vlastitim pravima;
- da rade s njima u duhu saradnje i partnerstva zasnovanih na uzajamnom povjerenju i poštovanju;
- da cijene njihove stavove i da im pristupaju ozbiljno;
- da rade s njima na način koji jača njihove kapacitete i sposobnosti i razvija njihove potencijale;
- da ih prihvataju u okviru konteksta u kojem žive;
- da sve što čine rade u njihovom najboljem interesu.
- radi u partnerstvu sa roditeljima/starateljima i/ili drugim stručnjacima kako bi se osigurala zaštita djece.

## PRAVILA PONAŠANJA

Za svo osoblje i saradnike, koji rade sa djecom, je važno da:

- Budu svjesni situacija koje mogu predstavljati rizik i da njima vladaju;
- Planiraju i organizuju rad i mjesto za rad tako da rizik svedu na minimum;
- U radu s djecom, što je moguće više, ne budu nasamo s njima;
- Omogućiti da se o bilo kojem problemu ili razlozima za zabrinutost otvoreno razgovara;

- Osigurati da loša praksa prema djeci ne ostane bez reakcije;
- Razgovaraju sa djecom o njihovom kontaktu sa osobljem i saradnicima i podstaknu se da slobodno izraze ako ih nešto brine;
- Dalje osnaže djecu- razgovaraju s njima o njihovim pravima, šta je prihvatljivo a šta ne, i šta mogu uraditi, ukoliko postoji problem.

**Osoblje i saradnici udruženja «NAŠA DJECA» ne smiju nikada:**

- Udariti ili na drugi način fizički povrijediti ili fizički zlostavljati djecu;
- Razviti fizički/seksualni kontakt sa djecom;
- Razviti takav odnos sa djecom, koji bi se na bilo koji način mogao smatrati iskorištavajući ili zlostavljajući;
- Djelovati na način koji može biti zlostavljajući ili dovesti dijete u rizik da bude zlostavljano;

Osoblje i saradnici udruženja «NAŠA DJECA» moraju izbjeći radnje i ponašanje, koji mogu biti protumačeni kao potencijalno zlostavljanje. Na primjer, ne smiju nikada:

- Koristiti jezičke izraze, davati prijedloge ili nuditi savjete koji su neprikladni, uvredljivi ili zlostavljajući;
- Fizički se ponašati ne neprikladan ili seksualno provokativan način;
- Dovedi dijete/djecu sa kojom se radi, da bez nadzora provedu noć u njihovoj kući;
- Spavati u istom krevetu ili sobi sa djetetom sa kojim rade, izuzev u slučajevima koji su od najboljeg interesa za dijete;
- Postupati suviše lično i pomagati djetetu u stvarima koje ono može samo da uradi;
- Opraštati nezakonito, opasno ili nasilničko ponašanje djece ili učestvovati u njemu;
- Ponašati se na način da postide, ponize, omalovaže ili degradiraju djecu, ili na drugi način primijene bilo koji oblik emocionalnog zlostavljanja;
- Diskriminirati, različito tretirati ili favorizovati određenu djecu, isključujući drugu.

**Kako bi osigurali ispunjenje gore navedenih obaveza, poduzećemo da:**

- Svo osoblje i saradnici će biti upoznati sa "Politikom zaštite djeteta",
- Svo osoblje i saradnici će se potpisivanjem ugovora obavezati na poštovanje "Pravila ponašanja", koja čine aneks ugovoru,
- Svi partneri će potpisivanjem ugovora o partnerstvu preuzeti i obavezu poštovanja "Pravila ponašanja", koja čine aneks ugovoru
- Procedura zapošljavanja uključuje provjeru prikladnosti za rad sa djecom i mladim ljudima,
- Na svakom radnom mjestu će biti izloženi podaci o kontakt osobi zaduženoj za prijavljivanje mogućeg zlostavljanja djeteta, a svaki član osoblja će imati kontakt detalje za prijavljivanje,
- Radi u partnerstvu sa roditeljima/starateljima i/ili drugim stručnjacima kako bi se osigurala zaštita djece.

---

Datum i mjesto

---

Potpis